

浣
紗
記

上
卷

文

543

527.1




浣紗記 上卷

第一出 家門

末上

漢宮春 范蠡遨遊。早風流倜儻。歷遍諸侯。因望東南霸
 起。越國遲留。尋春行樂。遇西施浙水溪頭。姻緣定將紗相
 贈。雙雙遂結綢繆。誰料邦家多事。共君投異國。三載羈囚。
 歸把傾城相借。得報吳讐。佳人才子。泛太湖一葉扁舟。看
 今古浣紗新記。舊名吳越春秋。來者范蠡。



第二出 遊春

小生扮范蠡便服上唱

商調 遠地遊 尊王定霸不在桓文下。為兵戈幾年鞍馬。

回首功名一場虛話。笑孤身空掩歲華。白 少小豪雄俠氣

聞飄零仗劍學從軍。何年事了拂衣去。歸卧荆南夢澤雲。

下官姓范名蠡字少伯楚宛之三戶人也。個儻負俗佯狂

玩世。初慕陰符之術。長習權謀之書。先計後戰。善以奇而用

兵。包勢兼形。能以正而守國。爭秦數奇未偶。因此遊宦別

國。蒙越王拔於眾人之中。廁之大夫之上。志同道合。言聽

計從。邇年以來。邦家多故。廟乏善策。外有強鄰。正君子惕

勵之時。人臣幹蠱之日。今日春和景明。柳舒花放。暫解印

綬潛遊田野。起身行介。正欲問俗觀風。浪蹟溪山。兼可尋真訪道。迤邐行來。早是山陰道上。只見千巖競秀。萬壑爭流。雲木週遭。溪山卷畫。其實好遊行也。唱

商調金井水紅花。梧葉兒農務村村急。溪流處處斜。迤邐入烟霞。水紅花妙景堪誇。峰巒如畫。拚把春衣沽酒。沉醉在山家。唱一聲水紅花也囉。白偶爾閑行。試看世情。奔走侯門。驅馳塵境。我仔細想將起來。貧賤雖同草芥。富貴

終是浮雲。受禍者未必非福。得福者未必非禍。與時消息。隨世變遷。都是一場春夢也。唱四塊金。更衣變服。究古論今。較勝爭強。不知何年纔罷。皂羅袍笑你驅馳榮貴。還是

他們是他。笑我奔波塵土。終是咱們是咱。追思今古。都付漁樵話。白行過山陰。子不免到諸暨。走一遭。正是為愛溪山最深處。令人忘却利名心。下小旦扮西施。素衣持竿。浣紗上唱。

商調遠地遊。苧蘿山下。村舍多瀟灑。問鶯花肯嫌孤寡。一段嬌羞。春風無那。趁清明溪邊浣紗。白溪路沿流向若耶。春風處處放桃花。山深路僻無人問。誰道村西是妾家。奴家姓施。名夷光。祖居苧蘿西村。因此喚做西施。居既荒僻。家又寒微。貌雖美而莫知。年及笄而未嫁。照面盆為鏡。誰憐雅淡梳粧。盤頭水作油。只是尋常包裹。甘心荆布雅

誰憐雅淡梳粧。盤頭水作油。只是尋常包裹。甘心荆布雅

志貞堅年年針線爲他人作嫁衣裳。夜夜辟纊常向鄰家借燈火。今日晴爽不免到溪邊浣紗去也。只見溪明水淨。沙暖泥融。宿鳥高飛。遊魚深入。飄飄浪蕊。流花壓來。浮雲作舞衣。正是日照新粧。水底明風飄素袖。空中舉就此石上。不免浣紗則個唱。

商調金井水紅花。綠水全開鏡。清溪獨浣紗。波冷澹芹

芽。濕裙釵。嬌羞誰訝。弄得慳慳春倦。不覺髻兒斜。唱一聲

水紅花也囉。白浣紗已畢。且收拾回去罷。收竿起身整衣

長嘆介。梅花雖好。浪影溪橋。燕子多情。空巢村店。我仔細

想將起來。世間多少佳人才子。不能成就鳳友鸞交。我既

不能見他。他又不得遇我。日復一日。年又一年。不知何時

得遂姻緣也。唱朝朝日出。夜夜空歸。樹黑山深。恰又夕陽

西下。笑俄寒門薄命。未審何時配他。笑你王孫芳草。未審

何年配咱。花枝無主。一任東風嫁。下過小生上白。轉過若

耶渡。來到苧蘿村。見小旦介。呀。小娘子拜揖。小旦。客官萬

福。小生背介。世間有這等女子。豈非天姿國色。手請問小

娘子。何方居住。姓甚名誰。莫非採藥之仙姝。必是避世之

毛女。緣何在此。乞道其詳。小旦。客官。妾就住苧麻山口。寒

家姓施。世居西村。名喚西施。小生。小娘子。你青春幾何。曾

適人否。小旦。年方二八。尚未適人。小生。下官不敢容隱。乃

越國上大夫范蠡尋春到此小旦賤妾不知貴人失于退

避揖介小生豈敢小娘子是上界神仙偶謫人世如此艷

質豈配凡夫你既無婚我亦未娶即圖同居丘壑以結姻

盟但以身常許君遭時多難敢冀少停旬日即當奉遣水

人乞告嚴親萬勿他適小旦蓬茅陋質田野村姑蒙君子

不遺葑菲之微實賤妾得荷絲蘿之托雖遲年歲豈敢變

移小生敢問小娘子持此溪紗何用小旦家貧無以營生

聊以浣紗為業小生下官微行失帶禮物卿是漢女僕乃

鄭生敢借溪水之紗權作江皋之佩持此為定勿背深盟

小旦遞紗與小生接介小旦小物輕微不足留贈小生下

官呵唱

仙呂玉胞肚行春到此趁東風花枝柳枝忽然間遇着

嬌娃問名兒喚作西施感卿贈我一縑絲欲報慙無明月

珠小旦唱

前腔何方國士貌堂堂風流俊姿揖介謝伊家不棄寒

微却教人惹下相思勸君不必贈明珠猶喜相逢未嫁時

白日暮途黑就此告歸

芙蓉脂肉綠雲鬟 卷盡樓臺青黛山

千樹桃花萬年藥 不知何事憶人間

小生白小娘子前途保重妙嗟不想今日有此奇遇也少

停旬月即便下禮即便下禮下

第三出 謀吳

生扮越王眾扮四太監二宮女引

中呂 滿庭芳 聖禹開基神工留蹟千年王業猶存宿承

引子 茆土吳越隔江分白鷓鴣天 縹緲孤城海上居蕭條霸

業繼無余夙傳宛委山中瑞猶佩當年金簡書西阮楚北

連吳雄心未遂竟何如他年匡濟尊周室始信東南有丈

夫寡人越王勾踐是也隔絕中華生長東鄙謬領民社之

寄殊慙茅土之封自神禹逮于前王更歷四十餘世由不

穀至于夏后幾及二千餘年文固不足以安邦武亦不足

以定國僅能上承宗社下守邊疆不料近年以來兵連吳

地始擊之于構李復敗之于姑蘓我臣靈浮操戈而直前

彼主闔閭傷指而走死，嫌隙既構，忿怒愈深。其嗣主夫差日講武于長洲，彼勇將伍員時耀兵于笠澤，竊念寡不敵衆，弱難禦強。若不預定計謀，終被強梁侵侮。幸喜元配夫人知書達禮，更仗大夫蠡種，擅武能文。且待夫人出來商議，內侍們後宮請娘娘上殿。衆領旨。後宮請娘娘上殿。內應介。老旦扮越王夫人，二宮女引上唱。

仙呂卜算子 金井轆轤鳴，上苑笙歌度。
老旦白：臣妾見

駕願大王千歲，千歲，千歲。夫人少禮。老旦：千歲。夫人：且待諸大夫。吳越交兵，殆無寧歲。特請夫人商議。老旦：且待諸大夫到來，一同商議。生有理。小生扮范蠡上唱。

前腔 閩外擁貔貅。未扮文種上。殿上趨駕鷺。副扮泄庸

上極目烽烟爛不收。丑扮計倪上。袞職慙何補。小生白：下

官范蠡。未。下官文種。副。下官泄庸。丑。下官計倪。衆請了。小

生今日主公傳旨會議，我等一同進見。衆有理。內監諸大

夫朝參。小生臣范蠡。未。文種。副。泄庸。丑。計倪。合。參見。願主

公夫人千歲，千歲，千歲。生。平身。衆。千歲。生。諸大夫在此。

吳王逞克，侵我疆界，越國召禍，傷彼闔閭，怨結兵連。二十

餘載，夫差有吞噬之志，寡人無拒敵之謀，敢問高名。計將

安出。小生臣啟：主公，臣聞以大事小者，樂天者也。未。以小

事大者，畏天者也。副。事以皮幣珠玉，不能以避敵。丑。則當

高城深池。効死而勿去。合行仁修德。惟天命之而矣。生平
身。眾千歲。老旦大王。今日春景融和。邊烽乍息。臣妾特具
春酒一盃。與大王稱慶。生生受夫人徹宴過來。宮女有宴
老旦定席合唱

正宮玉芙蓉。春風舞鷓鴣。夜月歌鸚鵡。捧霞觴。愿期萬
過曲年歡聚。筵開紫殿千秋樹。壽進紅樓百子圖。合休憂慮。料
堂堂廟謨。看瞬息間指揮談笑滅東吳。小生末副丑進酒介

前腔。江橋鞦韆。海雉環樓櫓。諒依山負海。尚堪割劇。
若還有賂通伯話。不怕無謀退伍胥。白

勝敗兵家不可期。包羞守耻是男兒。

江東子弟多豪俊。卷土重來未可知。
生曰。退班。眾唱。合前。休憂慮。料堂堂廟謨。看瞬息間指揮

談笑滅東吳。下

第四出 伐越

外扮伍負雜扮四軍牢引上唱

南呂引子 滿江紅 楚室亡囚。是何歲飄流吳國。追舊恨避兵

江上。潛身蘆荻。父怨方酬魂未返。君恩欲報心猶赤。待從

頭再踏越江山。兵方戢。白 十年仗劍意何如。眼見荆城一

廢墟。誰哭秦庭援兵至。至今猶自恨包胥。下官姓伍名負。

字子胥。楚國人也。腰大十圍。身長一丈。幼諳韜畧。長習典

墳。素志烈于青霜。精誠貫于白日。叱咤而風雲變色。嗚

而山岳動搖。皇天后土。鑒生平忠孝之心。名山大川。諒夙

昔英豪之氣。但以雄心未遂。俠氣未除。一飯之德必酬。織

芥之讐必報。父兄深怨。鞭及墓下之人。貞烈大息。全投瀨

中之女，昔為楚國之亡虜，今作江左之冢臣。千年故國，淒涼郢樹，荆雲萬里，孤臣流落吳山。越水爭奈，越王勾踐，肆虐欺鄰，幸喜新建嗣主，練兵訓卒，誓復攜李之耻，直禱會稽之山。且待伯嚭太宰到來，同往主公營中計議。多少是好。副扮伯嚭雜扮四軍，宰引上唱。

雙調 秋藥香 執掌吳邦元宰。近龍顏，衣惹天香。笑介白

引子 自笑堂堂六尺軀，姦回性格似穿窬。全憑三寸爛斑舌，忠

義全然半字無。下官吳國太宰，伯嚭是也。早約伍相國營

中，奉謁主公，不免走遭。卸下。衆下副。老相國早已在此了。

外。太宰早約營中奉謁，不知主公陞帳未會。副。轅門大開。

想主公陞帳也。淨扮吳王同衆將校上唱。

雙調 夜遊朝 霸業中興吞宇宙，擁貔貅，校獵長洲。蕞爾

遊魂，彈丸小寇。指日見鯨鯢奔走。淨白。百尺高臺面太湖。

朝鐘暮鼓宴姑蘇，威行海外三千國。霸占江南第一都。寡

人吳王夫差是也。承太伯之餘業，守成周之故封。魚腸之

劍三千，水犀之師十萬。掘山煮海，利盡魚鹽。濬水通潮，貨

饒商賈。日暮歌鐘四壁，春風花柳千門。真個是坐列金釵

十二，門盈珠履三千。衆報介。相國太宰朝參。外副。臣伍負

伯嚭奉謁。愿主公千歲千歲千歲。淨。相國太宰少禮。有

事奏事無事退班。外。臣啟主公。越人勾踐，犯我先王，積怨

既深。大讐未雪。今糧草完備。將士精強。不乘此時征勦。更

待何日。淨太宰。你意下何如。副臣啟主公。先相國之言甚

是有理。但主公初登寶位。新御黎民。隣國初安。邊烽乍息。

正宜朝歡暮樂。何暇遣將發兵。且水陸頗艱。勝敗未卜。以

臣言之。竊為未可。外太宰差矣。父母之讐。不共戴天。兄弟

之讐。不反兵革。而况假主公之雄威。更仗諸將之戮力。則

摧枯拉朽。如夏日之潰春冰。滅跡掃塵。如疾風之捲秋篠。

擣其巢穴。殲厥渠魁。何施不可。淨相國之言有理。眾將校

明日吉辰。就此點兵前去。眾唱

南呂瑣窓郎。瑣窓寒笑越王。海畔窮囚。沒來由招禍尤。

玩兵隣境。不守邊州。試看直倒錢塘江溜。合賀新郎管教

他山河難保。罪不宥。親作孽。向誰咎。副唱

前腔正昇平快意嬉遊。對良辰開笑口。看春生金屋。月

滿銅溝。不求歡樂。反招僞憊。合前管教他山河難保。罪不

宥。親作孽。向誰咎。外唱

前腔想人生最切是親讐。恨淹留志未酬。堂堂大國。忍

耻包羞。急須征勦。豈容拖逗。合前管教他山河難保。罪不

宥。親作孽。向誰咎。

旌旗獵獵動江關。千里師行碧海灣。

試看鯨鯢皆遠遁。勒銘直上會稽山。

唱合前
嘗教他山河難保罪不宥。親作孽。向誰咎。下

第五出 交戰

生扮越王 小生扮范蠡 末扮文種 戎服領軍校上生唱

南呂 引子 一枝花 江干烽火曉。隣國兵戈繞。吳兒深入也。怎

生好。小生封豕無厭。何事多強暴。况兵少誠難保。未誓定

邊疆。謾自退縮。被人談笑。小生末白主公臣等奉見。生二

位大夫少禮。二位大夫。夫差恃強。乘我微弱。提兵十萬。將

渡西陵。未審二位大夫何以教我。小生臣啟主公。強弱既

形。衆寡不敵。但當深溝高壘。以逸待勞。畧待旬月之間。糧

盡兵疲。將不及戰。而自遁矣。生文大夫意下如何。末臣啟

主公。臣聞敵加于已。不得已而應之。謂之應兵。不如乘其

營壘未定之時。即為掩襲。功擊之計。則寡或可敵衆。弱亦

足以勝強。還宜決戰以圖存。豈可束手以待斃。生言之有理。就此起兵前去。唱

越調水底魚。兵馬蕭蕭。弓刀各在腰。吳兒逃遁。還將金

鏡敲。還將金鏡敲。淨扮吳王外扮伍員副扮伯嚭領衆上

前腔。鼓角風高。旌旗雲外搖。三吳俠少。先聲壓海濤。先

聲壓海濤。生小生末領衆相遇介末白來將何人。副我乃

吳國太宰伯。末太宰。你身爲人子。不能報亡父伯州犂之

讐。幸步伍胥之後塵。得攀楚平之封樹。所謂公等碌碌因

人成事者也。你有什么能。敢與我鬪。唱

黃鍾大迓鼓。吳兒莫弄驕。父讐不報。耻忍羞包。那些個

臣子忠和孝。一唯姦佞立當朝。及早投降。休得遁逃。對殺

混戰介。副白。來將何人。末我就是越國下大夫文。副你就

是文種麼。文種文種。你明于治國。暗于擇君。貪官叢爾之

會稽。甘事無情之勾踐。你有什么謀。敢與我戰。唱

前腔。你平生學六韜。不知進退。堪笑兒曹。我偏師小渡

西興棹。管長驅直擣會稽巢。若不先降。有誰恕饒。對殺介

小生白。來將何人。外我乃吳相國伍。小生走相國。你一生

孝子。半世忠臣。既雪墓下之讐。當返山中之駕。徒念闔閭

之顧命。不諒夫差之不仁。竊恐禍機倏生。悔之晚矣。唱

中呂撲燈蛾。你三吳稱俊豪。四海播忠孝。名遂又功成。

還認當時年少也。看瞞然一老。鎮終朝矜伐舊功勞。沒來
由西征東討真堪笑。只怕禍機竊發命難逃。對殺介外白

來將何人。小生我乃越國上大夫范。外范大夫我乃郢人

君亦楚產。豈以比隣之隙。遂忘故苑之情。但要知兵衆之

強弱。須察理勢之順逆。何不反邪歸正。棄暗投明。唱

前腔。你昂昂一俊髦。堂堂好儀表。何事不知機。常肆侵

凌衝犯也。諒區區小息。看投鞭即便可成橋。那時節橫尸

縹緲迷歸棹。錢塘江上不通潮。對殺越兵俱下副白主公

你看蕭蕭殘寇。縹緲遊魂。七縱七擒。三戰三北。殺得他隻

輪不返。片甲無存。望風而逃。渡江去了。外我今不可遲滯。

連夜趕上。直至會稽。縛其君臣。夷其宗廟。方雪俺攜李之

辱也。淨相國言之有理。太宰。你領前軍圍住山前。相國。你

領後軍圍住山後。奉謁之期。只在午時。

烈烈旌旗飛大將。錢塘不怕多風浪。

假若走上焰魔天。脚下騰雲須趕上。

第六出 被圍

生扮越王騎馬上唱

南呂引子 臨江仙 轉戰夫椒三敗北。千秋宗社全傾。團團四

野盡吳兵。陣雲迷故國。壁月照空營。未扮文種上 半捲紅

旗奔淞水。霜寒鼓冷無聲。小生扮范蠡上 回頭殺氣正憑

凌。思量無計策。只得請行成。外扮伍員副扮伯嚭領眾統

場圍下生白 戰餘落日黃。軍敗鼓聲死。下馬介小生未 今

與山鬼降。殘兵泣江水。生二位大夫勾踐久作江東奇士

亦一海上寡君。長思奮迅雲霄。詎意摧頽糞壤。今被夫差

追兵圍住。棲此會稽。二千年之社稷。盡被凌夷。數十世之

封疆。皆為蹂踐。既無土地。立孤身于世上。又何顏面見前

王于地中。未臣啟主公。臣聞猛獸離山。不免網羅之患。巨魚失水。反遭螻蟻之欺。今主公初被傷殘。偶遭困辱。雖曰人謀之未盡。實亦天時之降殃。誓當奮一前鬪生之心。不可懷百走退死之念。况今會稽之山。尚環六百餘里。帶劍之士。猶存五千餘人。還須死戰。以決存亡。莫待生擒。以宴兵刃。小生臣啟主公。臣聞伍負勇冠三軍。夫差雄視一世。難以累殘之越。獨當新奮之吳。勝未必然。敗乃常事。不如一面堅壁清野。先彼戎師。一面遣使修詞。求其和好。以臣言之。此爲上策。生范大夫。寡人罪大惡極。德劣才庸。既不能勇往而直前。又不能固守以善後。想今要策。還是行成。

但不知用甚禮儀。將何詞命。寡人一時昏蔽。唯二位大夫裁之。小生臣聞社稷者。前王之社稷。山川者。大禹之山川。是皆不可與人。外此皆爲長物。莫若棄其身體。挈其妻孥。君請爲臣。妻請爲妾。躬作使令之役。甘爲洒掃之徒。又須卑遜其言詞。離間其左右。既侈其好大喜功之念。又發其毆賢用佞之心。則克惡日稔。天必殛之。幾年之間。興衰未可知也。未范大夫之言。似亦有理。但恐伍負謀畧蓋世。賢智先人。昏主未能聽從。忠臣不無阻隔。小生文大夫。不聞小人易親。君子易退。但聞伍負之忠直。不知伯嚭之奸邪。既欲行成。當先反間。不必即謁其主。要須先賂其臣。送伯

話以美女二人黃金千鎰則鷄鼠之腹易滿鷓鴣之棲易
安仗此以見夫差諱多溢美之言由是以譖伍員必多稔
惡之說君臣乖戾同列睽違彼之罅隙可乘吾之大事濟
矣生既然如此誰人可行未臣雖不才願効犬馬小生整
脩禮物即便起程未領命生二位大夫唱

正宮朱奴兒念國土連年戰爭為宗社勉爾行成忍耻
含羞送子行須委曲順從強硬合承君命遨遊虜庭何日
見烽烟靜

送卿匹馬出江關敢憚區區行路難
明日若弛吳甲冑他年重整越江山

第七出 通話

副扮伯白話二中軍二將官衆小軍

衆將官衆有副衆唱

黃鍾出隊子與我連營分隊衆吶喊合連營分隊前轟

高張朱雀旗弓刀簇擁列戎衣萬騎城南戰勝歸試問三

吳豪傑有誰中軍白中軍叩頭副中軍吩咐諸將卸甲少

息明日領賞淨照云衆下副誰似堂堂貌出羣從來不曉

武和丈行師全仗三軍靠親手何曾殺一人下官伯話我

性踰象獍狠甚虎狼包藏險惡真個千態萬狀而鬼莫能

知做就機關似干蹊萬徑而人莫能禦慣用輕巧之智構

成疑似之端况兼舌劍唇鎗奴顏婢膝屈君身之際疑無

骨談笑之中若有刀。但知奉承一人。那晚恩及百姓。猶是身騰列國。權傾滿朝。狐假虎而前行。何愁追捕。鼠衣社而久住。不怕薰燒。一味妬賢嫉能。可以尸祿保位。兩日統領前軍。追趕越寇。長驅深入。圍住會稽。那小醜尚棲此山。我大軍未即歸國。爭奈轉戰困倦。未得少休。今晚軍中稍閑。暫且卸甲解冑。中軍。淨有。副你在外廂把守營門。我在帳中少息。凡有軍情急務。即來報我。小事勿得驚動。如違重責。不恕。淨是。末扮文種上唱

前腔 潜携金幣。打聽前軍。在浙水西。晝行猶恐外人疑。等到黄昏星斗稀。驀地私行。有誰見知。白尊官。淨什麼人。

末 越國文種。要求見太宰爺。淨 你就是文種。來得好。俺爺正要拿你。走。末 將軍請息怒。有個小禮送上。相煩通報。淨

送與我的罷了。要我通報。末 正是。淨 報得的。不要連累我。末 不敢說。有事相求。昏夜到此。淨 如此住着。副 那文種這

鎗法也不濟。淨 稟爺。副 被我這一鎗。幾乎被我挑下馬來。

淨 稟爺。副 這狗頭没用。淨 稟爺。副 什麼。淨 越國文種要見。

副 是那個。淨 越國文種要見。副 文種麼。好。來得好。與我挪

去見主公。淨 是老爺息怒。他說有事相求。昏夜至此。副 嘎。

他說有事相求。昏夜至此。嘎。隨身可有人馬。淨 一人一騎。

副 既如此。與我搜檢明白。抓進來。淨 嘎。文種呢。着你進去。

可有夾帶。末沒有。淨隨我進去。小心。末有勞。淨文種進。末

跪淨文種當面。末越國下臣文種。叩見太宰夫人。副你就

是文種。淨是文種。副哇。哇。哇。好。好。好。你前日在陣上罵我包

羞。忍。耻。的。就。是。你。末不敢。副說我不忠不孝的。就是。你。末

不敢。副說我奸佞。盈。朝。的。就。是。你。今日天兵到來。命在旦

夕。還來見我。怎麼。快。綁。去。見。主。公。淨。噯。末太宰夫人請息

怒。容。文。種。一。言。咨。啟。副有話容你講。看。刀。末小國寡君勾

踐。今。感。太。宰。夫。人。恩。德。無。以。為。報。副住了。你。那。越。王。老。頭

兒。也。曉。得。感。激。我。麼。就。是。感。激。我。也。不。中。用。末為此特遣

小。官。送。些。小。禮。少。伸。寸。敬。淨爺。是。送。禮。的。副點頭。介。不。是

噯。前。日。在。陣。前。千。軍。萬。馬。之。際。說。我。這。許。多。我。老。爺。那。裡

當。得。起。末這。是。各。為。其。主。副噯。各。為。其。主。這。句。踐。倒。講。得

是。既。是。送。禮。沒。有。跪。的。禮。請。起。作。揖。淨請。起。末不。敢。副請

起。淨。出。位。了。末如。此。從。命。了。太。宰。夫。人。副文。大。夫。狗。才。竟

說。送。禮。的。罷。了。什。麼。文。種。在。外。文。種。在。外。我。只。道。相。持。廝

殺。倒。被。你。誤。了。文。大。夫。得。罪。下。次。報。事。不。實。一。細。四。十。抓

你。這。驢。頭。下。來。淨。是。小。的。該。死。副文。大。夫。遠。勞。了。末那。禮

物。俱。在。外。廂。人。夫。頗。多。每。樣。先。呈。上。一。件。倘。蒙。太。宰。此。留。

方。敢。盡。進。副多。謝。吩。咐。備。飯。末取。禮。過。來。二。雜。執。禮。上。是

末太。宰。這。是。黃。金。五。千。兩。這。是。呈。樣。的。副黃。金。五。千。兩。怎

麼要這許多，不好受。末微禮請收了。副噯，既如此，多承遠來，只得收了。宰鷄。淨噯。末這是綵緞五千端，也是呈樣的。副綵緞五千端，是呈樣的好花樣，好顏色，受了一半罷。末要求全收。副一定要全收。噯，收了收了，吩咐殺鵝。末這是白璧二十雙，也是呈樣的。副白璧乃無價之寶，怎麼受這許多。這便受了一半罷。末一定求全收。副噯，多蒙來意，一發收吩咐宰羊。淨噯。副受了許多厚禮，快活快活。末太宰不要喜歡盡了，還有兩個活東西。副什麼活東西。敢是鳳凰。末不是。副錦鷄。末不是。副仙鶴。末多不是。副你每會稽山的老虎，不要說活的，就是死也要的。死活是要的。末又來

取笑。副方纔禮單上，沒有什麼活東西。噯。末秋鴻春燕那裏，二旦扮秋鴻春燕，上舞低楊柳樓頭，月歌罷桃花扇底風。末你每進去，小心。二旦曉得，秋鴻春燕叩頭。副這就是活東西。末正是。副活東西請起。末小國寡君聞知太宰，未聘，特送兩個美人，陪奉枕席。副不瞞大夫說，下官其實還沒有妻，討得一個了頭，叫做千姣，畧畧有些丰韻，怎到得二位個樣，娉婷嫋娜，俊俏齊整，劈拍動火，惹魂。我那知趣的文大夫，知趣的文伯伯，知趣的文叔叔，知趣的文老爺。末請起。副大夫，你主公送這些東西與我，可有什麼見教麼。末我寡君着，小官多多拜上太宰大人，寡君受吳國大

王并太宰許多教訓之恩情願携其妻子率其陪臣親到
吳國君請為臣妻請為妾竊恐大王見棄先遣小官拜上
太宰望乞周庇副請起我受了你主公許多東西我身子
就是你家的了些須小事有何難哉一一從命末多謝告
辭了副小飯相留怎麼就去淨飯完了副看酒來末怎敢
相擾副倉卒之間有慢休罪末豈敢副大夫唱

仙呂 犯曲 玉山頽

玉胞肚 首至四

謝你君王不棄遠相投金帛禮儀

况壘壘數對璠璣更鮮鮮一雙花蓋

大夫 伍供養我是知

恩知義休錯認是無情伯話

白大夫回去多多上覆你主

公唱叫他及早來吳地莫稽遲晉教羈鶴出籠飛

末白我

寡君呵唱

前腔 特差傳遞念傷殘棲遲會稽欲躬身卒領妻孥入

吳庭願稱臣禮我明朝謁王望委曲於中周庇副白這個

都在我身上不消你吩咐末唱深感君高誼若免凌夷誓

同犬馬効驅馳白送酒二旦唱

前腔 雲環高髻繡鴛鴦踟躕舞衣遇春朝笑樓花間值秋

宵醉眠幃底偎紅倚翠看世上誰人百歲合今夜同歡會

魂夢飛巫山一對暮雲歸末白你二人好生伏侍老爺二

旦曉得末告辭了副再請少坐另日還要送行末不敢副

如此不敢強留了末

相投機會建奇功

龍過祥雲虎嘯風

今日得君提掇起

免教人在污泥中

副請了阿呀大夫轉來末怎麼說副還有要緊說話幾乎

忘了我家相國伍負為人倔強他若在彼必然阻當我領

前軍圍住山前他領後軍圍住山後奉謁之期俱在午時

大夫你可清晨來約我同行乘他未到之時待我中間說

定待主公親口許允那時他雖到來已無及矣末多承指

教請了下二旦秋鴻春燕叩頭副起來下次再不要叩頭

見我只是一福就是了那個教秋鴻旦是他副你就是春

燕了好喫可愛你一對俊俏嬌娘恰遇我風流子弟才子

佳人前緣夙世今夜不可分床三人一頭而睡一上一下

一來一往秋鴻旦有副春燕小旦有副阿呀妙喫湖州人

說個樂殺帶哉唱合前今夜同歡會魂夢飛巫山一對暮

雲歸下

第八出 允降

淨扮吳王領眾軍拔上唱

商調高陽臺 窮海提兵沿江牧馬。英聲天下無敵。錦帳

開營。弓刀霧擁雲集。淨白戰勝兵屯清海灣。愁雲結處會

稽山。更催飛將追逃虜。莫遣江干匹馬還。自家吳王夫差。

追趕越國勾踐至此。不料他計窮力竭。存下五千甲士。死

守會稽。一則溪山險隘。我不能以馳驅。二則草木叢叢。彼

實可以哨聚。想旬日之間。不能即克。如何是好。且待諸夫

夫到來。再作區處。副扮伯嚭上唱

小石勝葫蘆 昨約營中去謁君。侵早起。到轅門。末扮文

種上若得君王肯。許咱投順。定須結草。生死報深恩。副末

相見介衆報副進見介副白 主公伯嚭奉見 淨太宰少禮

副 臣啟主公越人勾踐遣一 下臣文種投見帳下伺候兩

日無人通報不敢進見 淨好笑勾踐這廝着他來做甚麼

拿去砍了 副且慢主公自古兩國交兵不拒來使且放他

入來看他有何話說然後斬他未遲 淨也罷搜檢明白抓

他進來衆越國使臣進 未俯伏介越國下臣文種死罪死

罪 淨怒介勾踐不道犯我先靈我今提兵問罪命在旦夕

有何話說着你進見看刀 衆應介未東海寡君勾踐罪大

惡極偶犯吳之先王蒙大王仁慈不即誅戮寡君感德且

夕不忘今天王天威未解提兵遠臨若大王不棄即當請

盟願携其妻子率其陪臣君請為臣妻請為妾春秋貢獻

不絕于途茲因寡君奉至尊之儀實亦大王征諸侯之禮

敢使下臣布意乞賜優容 淨這也難道 副勾踐窮困遣使

乞哀若能許之則勾踐之土地即主公之土地自江以北

沿海而南皆主公之有也 淨太宰我勞心數年提兵十萬

深入敵境克在須臾業已至斯不能輕諾 未下臣文種再

啟大王 副有話講 未寡君勾踐棲于會稽尚存子女千餘

寶器萬數若大王憐而赦之則子女盡入于王庭寶器俱

歸于府庫若大王執而不赦則當殺其子女焚其寶器以

五千敢死之士當十萬疲之師則彼此勝敗未可知也

淨到此地位。還說什麼勝負。副文種之言。似亦有理。若主公能封殖越國。則武功已成。名聞海內。誰不敬從。若必欲刈而亡之。恐四海諸侯不信于我。後日誰肯事吳。是主公有功而無功也。願主公察之。淨雖然如此。心上狐疑。未能灼然。豈容就許。副主公不必狐疑。竟許的是。淨我想勾踐呵。唱

商調高陽臺 小島羈囚。稽山窮窟。形孤勢寡難立。憶昔

侵凌。冤讐至今堆積。逃匿。知伊死在湏臾也。看笑談削平

巢穴。又何勞卑詞遜語。故來哀乞。未唱

前腔 窮迫。願面縛君臣。親携妻子。王庭盡心服役。貢獻

年年。驅馳敢怠朝夕。悲戚。副白文種在那里哭。想是情急

了。未唱區區寡君蒙宥免。這深恩何年消得。望君王寬仁

大度。俯垂憐惜。淨白既然如此。我暫且收兵。限十日之內。

君臣妻子。俱赴吳庭。聽候指揮。不許遲滯。未多謝大王。外

扮伍負上 破國平戎昔未聞。鳴笳疊鼓擁回軍。丈夫鵲印

搖邊月。大將龍旗掣海雲。衆報外進見介外主公。伍負泰

見。淨相國少禮。外此位何人。未越國下臣文種。外到此何

幹。副領其主勾踐之命。行成於吳。却絕主公。已親口許他

了。外豈有此理。臣啟主公。勾踐強暴。屢肆侵凌。今力屈計

窮。命在頃刻。是天以越賜吳。此機不可失也。誓當懸首吳

闕以謝先靈。方雪數年之讐。聊解四方之笑。顧乃不知出此。而反許其行成。竊爲主公不取也。淨相國之言有理。副臣啟主公。臣聞不念舊惡。恕是用希。昔晉文聽寺人之言。而即去斬祛之罪。齊桓用管仲之智。而頓忘射鈞之讐。今窮兵深入。已徹彼藩籬。躍馬長驅。更毀其宗社。諒此須越人之怨。已足盡吳國之情。君子不爲已甚。竊爲主公許之是也。淨太宰之言有理。外還是不許的。副還是許的是。淨

相國太宰都有理。外唱

前腔 主公休惑。數載深讐。一朝克復。臣子此心初適。須獻首先靈。共瞻宗廟血食。主公你快收拾。看江東海西俱

入款。是蒼天賜吳越國。這光陰百年難遇。豈容虛擲。副唱

前腔 相國你休執。山鳥投籠。林猿歸檻。如何又教彈射。

况他社稷全傾。區區小怨堪釋。要經歷看稽山險絕。堪死守。恐目下存亡難必。况淹留到兵疲糧盡。斷然無益。外白

主公伯喆之言。切不可聽。淨唱

前腔 我思憶。他既已輸誠。前來納款。邊疆料多開闢。况我繼絕存亡。諸侯盡瞻吳德。未拜謝天。介天日願吾王此

身長壽考。回身拜淨。介似南山萬年無極。霸諸侯威行四

海。比隆周室。淨暗對末介白你的行成。我已親許下。決不

失言。連忙回去。火速就來。末千歲千歲。下外文種呢。衆

去了。外 追轉來。衆 去遠了。追不轉了。外 阿呀罷罷。唱

前腔 那兇逆。不日就誅滅了。九仞爲山。功虧一簣。料想

不勞而集。事敗垂成。怕他日悔之無及。副 你偏僻。料些些

彈丸窮海島。敢與我大邦相敵。笑伊家年華高邁。不知虛

實。淨白 叫衆將官。唱

尾聲 班師回去傳飛檄。副 看大將旌旗雲外直。外 可惜

數載勞師空費力。淨白 太宰。我總說班師。你看

三軍歡笑勢如雷。盡道行兵海上來。

個個鞭敲金鏡响。人人齊唱凱歌回。下

外 太宰。你泰撮主公許得好行成。副 這是主公自己許的。

與我何干。外 嗟。我曉得。主公這座江山。少不得要斷。不必

言矣。下 副 呀。吐出來。動勿動。主公這座江山。少不得要斷。

我就斷送了這座江山。也不在你心上。不是我怕話誇口。

只消把這嘴頭兒。在至公面前。畧動一動。管叫你這顆頭

兒。也要送。我也不必盡言。下

第九出

捧心

小旦扮西施捧心上唱

越調 祝英臺慢 臉欺桃。腰怯柳。愁病兩眉鎖。不是傷春。

引子 因甚閉門卧。怕看窗外遊蜂。簷前飛絮。想時候清明初過。

白憶秦娥

春已矣。楊花滿徑東風起。東風起。半投簾幙。

半隨流水。思郎夢遠運無倚。隨風好去應千里。應千里。長

亭馬上。陽關笛裏。奴家自溪邊浣紗。遇着那人之後。感其

眷顧。贈彼溪紗。今經一月再無信音。不知是個閑遊浪子

假作官僚。又不知果是個范蠡大夫。故來調哄。我今待要

信他。只恐日遠日疎。終無着落。未必是真。欲待要不信他。

看他實意實心。言猶在耳。未必是假。近聞吳越交戰。直至

會稽雖然干戈擾攘。黎庶逃亡。幸此山谷幽深。人蹤隔絕。
我想范大夫多因此事不得工夫。然雖遲年歲。誓不他適。
爾來不覺情思迷離。神魂飄蕩。展轉疑慮。日夕憂煎。長嘆
介只因霎時面許。弄出滿腸離愁。害得徹夜心疼。做下一
腔春病。正是織成縷縷千條恨。感損纖纖兩道眉。切切淒
淒。啾啾唧唧。好傷感人也。唱

越調 綿搭絮 東風無賴又送一春過。好事蹉跎。贏得懨

懨春病多。髻兒鬆。我的病在心窩。爲你香消玉減。感損雙

蛾。范大夫嘆。難道你賣俏行姦。認我做桃花墻外柯。

前腔 我終朝懸念。信遠音訛。好事多磨。轉眼光陰一擲

梭。定如何。成敗由他。未必言而無信。更起風波。有一日弄

假成真。烏鵲填橋催渡河。白嘆。嘆。這裡北村有個姐姐。喚

做北威。是個女醫。不免央我家東施姐姐。轉請他來看脉。

喫幾貼藥。再作計較。有理。哎。

溪畔匆匆邂逅時。無端徹夜費相思。

欲知一點心中病。只看纖纖兩道眉。

第十出

送餞

生扮越王 老旦扮越王夫人 雜扮二太監 二宮女 隨上 生唱

雙調 謁金門 烟霧蔽。四下重重圍住。老旦魂怯危巢孤

壘。眼見玉樵香悴。白大王萬福。生夫人少禮。夫人我勾踐

被吳圍住。困居此山。心魂不寧。手足無措。見寢石以為虎

認草木而皆兵。夙昔英雄。一旦掃地。老旦黃鶴病而翅羽

垂。猛虎窮而爪牙縮。須竭力拒敵。觀變待時。勿重憂煎。徒

增悲痛。生昨遣文種去請行成。怎麼這時候還不見回來。

老旦大王放心。想此事多成。故來遲耳。小生扮范蠡上唱

小石臘梅花。殘兵格鬪筋力疲。沿山烽火軍聲沸。末扮

文種上。敢憚星夜馳。行成已聽。疾忙歸來報君知。小生末

相見介小生白 文大夫行成的事如何 未 吳王一面許下

了。小生 如此就進去回覆主公。進見介 主公夫人。范蠡文

種參見。生老旦 二位大夫少禮。文大夫行成之事如何。未

臣啟主公。臣到敵境。乘夜先見伯嚭。次早方謁吳王。因伍

負未到之時。虧伯嚭先入之說。吳王已親口許下了。生老

旦 多謝天地。未 只是一件。他限定十日之內。要君臣妻子。

俱赴吳庭。聽其指揮。不可遲滯。生 寡人不幸。連累夫人。如

此促急。怎生是好。老旦 賤妾之命。懸于大王。勞苦艱難。願

同之也。生 既然如此。只索起程。別爾人民。棄我宗社。去其

危冕。作彼庸奴。前程正爾關心。故國不堪回首。好傷感人

也。副扮 池庸上 空城麥秀。雉朝飛。故國黍離。烏夜啼。丑扮

計倪上 試看千村幾家在。誰憐百戰一身歸。副 下官池庸。

丑 下官計倪。相見介丑副 聞主公夫人。即日起程。前往吳

國。不免到江上送別。主公夫人。池庸計倪參見。生老旦 二

位大夫少禮。生 諸大夫在此。寡人不道。夙遭閔凶。賴諸大

夫之謀。得保前王之丘隴。實至幸矣。目今前往吳庭。誰

人能同此患難。留下越國。誰人能守此封疆。願各自陳。我

將分屬。副 臣聞夏臺之繫。伊尹不離成湯。美里之囚。宜生

不離西伯。今上大夫范蠡。達于機微。習于困苦。吳庭之事。一以委之。必能佐主周旋。不負臣舉。丑 臣聞成湯入夏。付

國家于文祀周文入殷委宗社于太公今下大夫文種忠
而善謀民樂爲用越國之事一以委之必能克勤邦家不
負臣舉注范大夫意下如何小注不避艱險之途甘守困
辱之地輔助危主誓興滅國往而必返與君復讐者臣之
事也敢不聽命注文大夫意下如何未內修封疆之役外
整畔戰之倫親附百姓連和諸侯廢而必興與君復讐者
臣之事也敢不聽命注若得諸大夫如此則患難相保宗
社奠安諸大夫無主而有主寡人無國而有國也狐之六
翻脩矣飄然長往又何憂焉不免告拜天地山川社稷宗
廟憐我困苦陰求護持拜介衆唱

仙呂過曲園林好告天地神明可窺告宗廟精靈可推生唱

念勾踐包羞含愧合知甚日得回歸衆唱

仙呂過曲江兒水臣子遭家難男兒遇數奇正是路當險處

難回避非關不愛親遺體時危要見臣忠義暫且受伊拘

繫合有日歸來再渡吳山越水

仙呂過曲五供養吳兒醜類天道虧盈赫赫昭回看他多滿

溢不父必摧頽况有姦邪伯嚭覆邦家唇尖舌利忠良應

阻隔國勢定支離合誓造江山萬民歡會

仙呂過曲玉交枝一場愁緒料精誠江神鑒知小生未吾王

何必多留滯生勸羣臣不用淒其副丑離筵欲散東海磯

把別情盡付西江水。合掛不住疎林落暉。掛不住疎林落
暉。生衆唱

仙呂川撥棹 英雄淚。滴春江波浪底。片帆開岸草淒淒。過曲

片帆開岸草淒淒。又何年還歸水湄。合渡西陵城郭非。望

南雲魂夢飛。小生

前腔 我主公莫愁無所依。自愧微軀堪寄安與危。末副

丑拜小生介願大夫努力驅馳。願大夫努力驅馳。待歸朝

羣臣謝伊。合前渡西陵城郭非。望南雲魂夢飛。

尾聲 別離頃刻悲塵世。有日破吳歸去。合看壯士還家

盡錦衣。生白范大夫先過江去。小生應下生。老旦唱

南呂哭相思 斜陽山外片帆開。風捲春潮動地回。今日

一樽沙際別。合他年重見渡江來。末副丑白臣等帶領羣

臣百姓。送主公夫人過江。伏願主公夫人。前途保重。生諸

位大夫請回。各守封疆。衆下生夫人。你看逝水東流。片帆

北渡。雲山重疊。烟樹迷離。不知何年。再渡此江也。老旦觸

物興悲。感時增戚。試看汀沙之鳥鳥。聞哺江渚之魚蝦。妾

有短歌。為大王一咏。生卿試詠之。寡人敬聽。老旦歌介

古歌 仰飛鳥兮鳥鳶。凌玄虛兮翩翩。啄魚蝦兮洲渚。矯

風翮兮雲間。妾無罪兮負地。有何辜兮譴天。颯颯獨兮西

往。孰知迨兮何年。生白常聞有聲當徹天。有淚當徹泉。夫

人過衰眼見粉愁香怨寡人不肯豈能飲恨吞聲亦有短
歌爲卿一咏。老旦 大王試詠賤妾敬聽。生歌介

古歌 彼飛鳥兮爲鳥。常遊止兮江湖。我何罪兮離越。迺

偃蹇兮來吳。妻衣褐兮爲婢。君脫冕兮爲奴。歲遥遥兮無

極。安得我身兮如鳥。生老旦唱

中呂 尾犯序 愁淚溢春江。底事夫妻同渡波浪。怎効烏

鳶向沙頭翱翔。悵快我。揀盡力奔馳灑掃。怕當不過勤勞

鞅掌。思量起雲山千里。何日得好還鄉。老旦白 大王舟已

到岸收拾陸行。生 家鄉漸遠。吳邦漸近。好傷感也。唱

仙呂 鷓鴣天 自笑英雄值坎坷。平生意氣盡消磨。老旦

魂離故苑歸應少。恨滿長江淚轉多。太監打扶手隨小生

上船介白 范蠡迎接主公夫人。生 范大夫。你到此幾時了。

小生 范蠡到此多時。整備車馬。專候主公夫人早行。生 范

大夫。唱 我何罪也。受奔波。下船介小生白 你們回去罷。太

監應下老旦唱 香樵玉悴竟如何。小生白 主公夫人休要

悲傷。豈不聞晉文公投璧之事乎。唱 當年重耳曾投璧。合

定看他年渡此河。下

第十一出 投吳

淨扮吳王外扮伍負副扮伯嚭領衆上唱

高平宰地錦襦南中戰勝擁回軍萬騎飛騰出陣雲江

東霸氣鬱嶙峋誰似英雄四海聞外副白主公伍負伯嚭

參見淨相國太宰少禮相國太宰勾踐不道逆命數年今

力屈計窮面縛麾下皆賴天地祖宗之陰佑實出文武將

士之同心外勾踐被擒實皆主公之威何與諸將之力但

妖徒僅能革面醜類尚爾離心隱憂還在蕭牆同舟皆為

敵國副窮寇初歸積讐已復勿計其舊當取其新寬其萬

死之誅示以再生之路走相國何故妄生議論尚爾紛更

淨太宰之言有理今奏凱獻捷開國承家有功者爵之以

上卿有勞者賜之以金帛廣開功臣之宴同赴姑蘓之臺
勿用多言只圖歡樂將酒過來衆應介外副按席介衆唱

中吕 山花子 英雄氣壓江南郡。心胸湖海平吞。笑鯨鯢
過曲 望風遠奔。美威名列國稱尊。合上高臺看山河鼎新。稱觴

兩班武共文。從教千載祝聖君。共享恩波。寰宇同春。生扮

越王老旦扮越王夫人小生扮范蠡雜扮差官引上生嘆

介小生勸介白 何妨 雜 啟大王越國勾踐到了 淨喚過來

生老旦小生俯伏介生 東海賤臣勾踐率領妻孥叩首殿

庭死罪死罪 淨勾踐你這等強梁豈知也有今日 生勾踐

罪重惡深辜負天地不知時勢得罪大王蒙不即誅俯賜

寬宥得保些須之命難報罔極之恩賤臣勾踐實該萬死

只求大王憐而赦之 外 臣聞飛鳥在青雲之上尚欲挽弓

而射之况開遊于池沼近集于殿庭乎昔勾踐生山海之

外誠恐擒獲之難今入我厨竈之中乃一宰夫之事主公

不宜輕赦 小生作欲言又止介淨 吾聞殺降誅服天下所

非業已許之豈可失信 副 主公所言極是老相國牽於一

時之智不知長久之謀願主公即日赦之勿聽無稽之言

也 淨 太宰之言有理衆將校們傳下號令發勾踐三人於

石室之內去其軒冕沒作官奴畧給水薪收養馬匹牢固

監候不許放縱 雜應介 這裡來 同生老旦小生下介淨再

進酒。衆唱

中呂 大和佛 寶殿嗟峨對紫宸。簾櫳映碧雲。恩沾畿甸。

過曲 淑氣散千門。窮海看來賓。外 他們未必真謙遜。偶爾時乘

運蹇。勉強暫稱臣。終有日饑虎隨人。欲避難逃奔。副白 先

相國。唱 你何故出言不順。休得要對此歡娛便生嗔。衆唱

中呂 舞霓裳 看取他邦盡臣隣。盡臣隣。管取邊疆盡尊

過曲 親盡尊親。外 吾王莫聽姦臣譖。只恐蕭牆變起禍臨身。先

下副 笑老朽不知安分。休錯認。縷縷秋霜遍衰髮。合唱

中呂 紅繡鞋 錦筵香霧氤氳。氤氳。華堂歌舞繽紛。繽紛。

過曲 珠翠擁暮雲。燈火亂曉星昏。洞房深處醉橫陳。淨唱

尾聲 鷄人夜午蓮籌進。副 誰似我天顏常近。羞殺多言

是伍負。下

第十二出 談義

外扮伍員易服上唱

堪笑流離一楚囚，蕭蕭空自佩吳鉤。終天怨氣方纔釋，向

日忠心尚未酬。我伍員自報楚歸吳，佐吳入越，竊謂既甘

心於西鄙，必得志於東藩。詎意主公厭惡忠言，聽信奸佞，

大讐權於將復，積功毀於垂成。彼之行成既諧，吾之大事

已去。今年向遲暮，志漸隳頹，英豪不逮於前時，勇力頓減

於昔日。將欲隨波逐流，伴食廊廟，則何以立此身於朝端，

將欲背義忘恩，返駕林壑，則何以報前王於地下。進退維

谷，往來觸藩，我有一結義哥哥，喚做公孫聖，聰能達遠，明

足通微，心若冰壺，人稱水鑑。他見今隱蹟陽山之下，潛身

震澤之邊，不免訪高踪。以下國之興衰，叩名流以已定之
出處。今日晴和，且往陽山走一遭也。下末道服扮公孫聖

上 問我遊期始暮春，山川跋涉幾經旬。自緣青瑣為知己，

未就丹霞虧遠人。自家履姓公孫名聖，吳之秦餘抗山人。

也。遺榮末世，困守衙門。稟耿介拔俗之操，具瀟灑出塵之

想。投竿垂餌，晦幽蹟於涓濱。抱甕灌園，絕機心於漢渚。朝

飲木蘭之墮露，夕餐秋菊之落英。邀清風為入室之賓，延

白雲為升堂之客。紹巢由之絕軌，蹈沮溺之高風。真個是

天子不得臣，諸侯不得友。今日晴和，不免到青山盡頭，白

雲深處，開步一回。多少是好。唱

仙呂 北 點絳脣 布襪青袍，草衣烏帽。溪山曉。來往山巢。

俯仰乾坤小。白 我有一個結義的兄弟，與做伍負。夙昔雄

豪，平生忠孝，吳國之事，全賴此人。如老夫者，數被徵聘，得

以力辭。蓋吾弟既戮力於朝廷，老夫得投閒於溪壑。常時

特來訪我，一向不見到來。想是朝廷多故，不得工夫也。凡

弟，怎到得我逍遙自在，無管無拘也。唱

仙呂 北 混江龍 清溪垂釣，綸竿七尺氣飄飄。祇多少風掀

海浪，雪漲江濤。問 世上誰人棲住穩。笑 人間何處着身牢。

試看那 繡帳內醉蛟縮，棘門下列弓刀。麟閣上姓名標。邊

塞外陣雲高。他 那裏 有權有勢少安閑。怎 如我 無煩無惱

多歡樂。舒眉島嶼。散髮林皋。外上白迤邐行來。早不覺到

陽山也。遠遠望見一個道人。好像我公孫哥哥。未來的好

像伍子胥兄弟。外呀哥哥拜揖。未呀兄弟少禮。兄弟許久

不見。今日何來。外哥哥只因多事。失候起居。今有愚衷。特

求指教。未兄弟有何事故。你且道來。外哥哥我伍負。本欲

盡孝於家。兼期竭忠於國。不意父兄昔為暴君所害。孝道

有虧。主上今為姦臣所欺。忠誠不遂。俯仰有愧。進退兩難。

今欲棄職歸山。不知我哥哥意下如何。未兄弟差矣。我聞

為子死孝。為臣死忠。汝但計嗣君之小過。遂忘前王之天

恩。兄弟獨不記昔日替楚投吳之事乎。外伍負怎麼不記

得哥哥試說伍負敬聽。未唱

仙呂油葫蘆。想當初你四海無家沒處逃。孤身的年紀

北曲小。向青山縹緲水滔滔。親爹爹冤魂憑誰弔。親哥哥骸骨

憑誰掃。白那時節親父親兄死于非命。一家三百餘口逃

得你此身可憐可憐。唱那裏管高堂上白髮娘。繡房中青

鬢嫂。你便見滿身有口無人告。只落得回首楚天遙。外白

父兄深怨。豈可忘之。興言及斯。不覺肝腸摧裂。未兄弟你

當初逃難之時。曾記得江上漁人。溪邊女子。衣衫繾綣。乞

食于吳門之事乎。外伍負怎麼不記得。哥哥試說伍負敬

聽。未唱

仙呂 天下樂 漁父江頭將性命拋。多也麼嬌。水面上漂。

北曲 這兩個無辜為伊沒處撈。兄弟你亂叢叢百結衣。冷蕭蕭

雙鬢毛。每日價浪悲歌去吳市討。外白當年困苦。豈敢忘

之興言及斯。不覺冠髮俱豎。末兄弟你當初入楚之時曾

記得辱及墓尸。害及季羊。君妻其君之妻。大夫妻其大夫

之妻乎。外伍負怎麼不記得。哥哥試說。伍負敬聽。末唱

仙呂 哪叱令 想當初昭王的親父兒被伊鞭亂敲。昭王

北曲 的親妹兒被外人背着。昭王的親室兒被吳君占了一場

愁頃刻除。百年讐此時報。那時節方顯得英豪。外白入楚

之事。弟豈忘之。特以父兄大讐。少伸宿忿。末兄弟你當初

入楚之時。又還記得夷其宗廟。踐其丘壠。昭王出奔。包胥

哭秦之事乎。外伍負怎麼不記得。哥哥試說。伍負敬聽。末

唱

仙呂 鵲踏枝 毀廟庭去宗祧。踐丘壠沒根苗。眼見的千

北曲 載荆城。霎時間遍地蓬蒿。不爭的把昭王殺了。笑包胥急

穰穰秦國去號咷。外白入楚之事。弟一一記得。但大讐既

報。吾願已畢。今欲飄然去國。明哲保身。省得落於奸臣之

手。末兄弟。豈不聞孝者所以事君也。故求忠臣必于孝子

之門。當初既仗吳之先王。得盡孝道。今日即棄吳之後主。

不竭忠誠。則是貪生怕死。背義忘恩。乃小丈夫之所為。竊

為吾弟不取也。唱

仙呂北曲寄生草。兄弟你心空猛。氣枉高。到不如棹船漁父。

在江心跳。到不如浣紗女子。向溪頭躍。到不如炙魚刺客。

在筵前鬧。你只要秋氣荆棘楚王宮。全不管荒烟麝鹿吳。

門道。

么篇。兄弟你身初蹇。運未遭。怎能殼章華霧鎖重來到。

怎能殼渚宮波冷重相造。怎能殼巫山雲縹重瞻眺。那時

節飄零千里尚羈囚。怎能殼名揚四海稱忠孝。外白哥哥

之言。極為有理。殺身殉國。此亦何難。但恐吾死。吳國又亡。

既無益于邦家。又滅絕乎宗祀。却不兩下擔誤了。末豈不

聞死生有命。禍福在天。烈士殉名。壯夫重氣。存為楚國之

傑。歿作異地之英。父聞令郎日已長大。若有急難。可寄他

邦。既有以盡父子之情。又有以全君臣之義。則雖死之日。

猶生之年。况興衰禍福。尚未定也。外既然如此。謹依哥哥

尊命。末唱

賺煞尾。興衰本難期。禍福誰能料。念吳國忠良又少。你

棄職歸山還太早。佐邦家柱石堅牢。為朝廷莫避兒曹。須

要學擎天架海鰲。休得要憚勞。莫被人譏笑。兄弟你必破

工夫再往姑蘓走一遭。下

第十三出 養馬

生扮越王 老旦扮越王夫人 小生扮范蠡 上唱

商調 引子 十二時 冤恨當訴天。奈極目蒼天還遠。老旦 衣服

離披容顏。腆日夕辛勤。養馬誰憐。小生白 主公夫人 唱

你命運有時休怨。見介生白 虞美人 包羞忍耻何時了。

怨恨知多少。老旦 白雲飛去到江東。故國不堪回首夕陽

中 生 雕欄玉砌應猶在。只是朱顏改。小生 問君還有幾多

愁。恰似一江春水向東流。生 寡人昔為越國之主。今作吳

地之奴。脫軒冕而着樵頭。去冠裳而服犢鼻。如此污下。何

以為人。小生 臣啟主公。臣聞成湯幽于夏臺。文王囚于羑

里。興衰雖云有命。存亡實則係人。故成湯得以媚于桀。而

不以窮自傷。文王得以幸于紂，而不以困為病。伏觀夫差，乃昔日之桀紂，未必主公。非今日之湯文也。
淨扮石室官上唱

越調 梨花兒 兩個因徒來養馬，帶着一個俏渾家。朝朝

過曲 坐在馬糞下。嗒。馬若瘦時吃頓打。
白 自家吳國中掌石室

的官兒便是。我在此半日，怎麼不見皂隸來。可惡。皂隸那裏。
丑扮皂隸上唱

前腔 我家本官無撻然。一心只要把錢抓。上司知道也

不怕。嗒。連累皂隸不是要。
白 請。淨 見了老爺頭也不

磕一個。什麼請了。誰與你請了。
丑 我裏有規矩個。初一

月半，呖唱倦。大年三十，磕一個頭。平常日子，請。一恭而

已。淨 你們的規矩麼。
丑 正是。淨 罷了。我也不計較你。
丑

也勿拉我心上。
淨 皂隸，我對你說。前日發下兩名軍犯。一

名軍妻，怎麼不來見我。這等大模大樣，他是紹興人。土儀

儘多，也該送些與我。
丑 連我里個紙包，還沒得來。淨 我如

今差你去對他說，有得送我就罷了。如無拿他來見我。
丑

嘎，是我等我去說。這裏是我。阿有囉個去。
小生 是那個。

你是那裏差來的。
丑 我是石室老爹差來的。說你去兩名

軍犯。一名軍妻，到了石室，也勿來見見老爹。見面錢勿送

些。我里個使用也勿見。說你去紹興人。土儀及多。螻蛄土

跌蛤蜊醬木套雨傘都是用得着個。小生等家信通了。自然有賞。丑賞麼倒說得冠冕。有便有若沒有見我裏老爹去。小生哇放肆這樣芝蔴大的官兒這等放肆叫那官來見我。丑噫到來得克嘎等我簇個此老自家來。淨皂隸去了半日。怎麼不見來。丑老爹。淨你來了麼可有什麼。丑有來裏。淨拿來。丑伸手來。打介蠟子。丑個手也。淨怎麼說。丑動也動勿得。我一走走得去。我說是石室老爹差我來個。你丟兩名軍犯一名軍妻發下來也是該管衙門竟不來叩頭。見面錢也沒有。丑丟紹興人土儀極多。煙蜆土跌蛤蜊醬木套雨傘纔是用得着個。淨他怎麼說。丑個個人

說哇芝蔴大的官兒也要巫言亂話。叫那狗官來見我說。丑像芝蔴。淨皂隸他說我是芝蔴我與你評一評。丑正是左右開拉里。淨有我老爹這樣大芝蔴那有這樣大茶鍾來盛我老爹這粒大芝蔴。丑就有子個樣大茶鍾。羅里個樣大茶匙。挑起個老爹起來吃。淨就有這樣大茶匙。也沒有這樣大嘴。吃我老爹下去。丑就有個樣大嘴。羅里個樣大喉嚨。點個老爹下去。淨就有這大嗓子。也沒有這樣大肚子。盛我老爹。丑就有子個樣大肚皮。也沒得個大屎孔。寨個老爹出來。淨胡說待我自去。丑正是親身下降。自家去。淨打尊。丑兀的力。淨狗才沒有吃飯麼。丑為儻了。淨唱

導响此什麼兀的力丑老爹有數說個個樣鳥叫個樣聲

淨官不威牙爪威丑是哉換一泡來威威到哉淨叫他出

來丑味走一個出來小生又是那個丑我里老爹自家來

里淨不要叩頭了。我對你說。你們太宰發下來的。是我該

管。怎麼不見我。見面錢也沒有。人事也不送些。這怎麼說。

小生方纔對皂隸說的。待等家信通了。自然有賞。丑阿聽

見一個賞字。咳。淨好大口氣。我如今把三百匹騾馬與你

養馬若瘦了。要打。不生駒子也要打。不吃草料也要打。一

日還你三頓打。不怕你。不把錢送與咱。小生我們受不得

這樣苦。淨既受不得。這樣苦。把這老婆子送與我。小生打

淨丑奔介 阿呀阿呀打壞了。皂隸那裏有按摩的。喚他一

個來。捶捶背罷。丑個歇囉里來。等我替老爹捏捏罷。淨也

好。丑作捶背介。生老旦小生唱

商調山坡羊 瘦伶仃難過活的形狀。好羞慚難見人的

模樣。急奔騰難調養的駑駘。苦酸辛難執役的工和匠。我

也是一國王。平生志氣剛。羈囚到此。一旦身名喪。扮做傭

奴。替人牧養。悲傷眼見孤身葬異方。思量除是遊魂返故

鄉。末扮差官上白 早奉侯門命。忙投石室來。掌石室的官

兒那裏。看介 喂。官兒也睡。皂隸也睡。猫鼠同眠。哇。醒來。淨

丑見介。末換轉來。淨丑換轉來。末頭上換轉來。淨頭是換

不轉的。丑連拉頸上勾了。末頭上帽兒換轉來。淨呸。去介

末越王在那裏。淨月王在天上。末越國來的大王。丑方纔

個個就是哉。淨在石室中。末通報說太宰差官要見。淨方

纔就是越王。狗才你也不說一個明白。丑你自家要要物

事。我那裏曉得。淨快去通報。丑我倒勿耐煩。自家去。淨狗才

有人麼。小生又來怎麼。淨越王爺嘍。小生我不是越王。我

是范蠡。丑便介了跪。勿下。是直脚范蠡了。淨太宰差官要

見。小生住着。啟主公。太宰差官要見。生夫人迴避。老旦下

生着他進來。淨請相見。末差官叩頭。生請起。丑上司來去

叩頭哉。淨不好了。我的前程。要斷送在你手裏了。丑我一

千銅錢。頂去個皂隸。也要送。呸。身上哉。生尊官到此何幹。

末太宰爺多多拜上大王。特差小官送此禮物。少伸問安

之敬。生多謝厚情。末太宰爺說。大王凡事耐心。終有好處

生差官回去。多多拜上太宰。若放勾踐還鄉。生當平分越

國。死當結草啣環。大夫送了出去。生下。小生尊官那掌石

室的官兒。終日在此炒鬧。煩尊官吩咐一聲。末領命。小生

下。末官兒在那裏。淨在這裏。末哇。你這狗官。越國來的大

王。你怎麼要他什麼王儀。又是見面錢。怎麼說。淨這都是

皂隸要他東西。與小官沒相干。丑本官做玉小的那裏敢

放肆。末我回去對太宰說了。教你頭也不在頸上。這等可

惡。下淨小官沒有此事。望老爺方便。丑起介哇他是越王

爺爺沒奈何。苦惱子在此養馬。你要他什麼。蝗蝎吐蜈蚣

蝎鬻。鹹搭搭。俺好吃。淨都是皂隸。與小官沒相干。丑你如

今可敢了。淨不敢了。丑擡起頭來。看看我是羅個。淨見介

渾下

第十四出

打圍

淨扮吳王副扮伯嚭雜扮宮女

雙調夜行船 艷陽天氣遊人擁。花爛熳芳草濛濛。小旦

扮太子上 拊鳳板龍。副 笙歌簇擁。爭誇馬上英雄。淨白寡

人虎踞三吳。膺揚一世。天子之下第一。諸侯之上無雙。光

景無多。留下山河也無用。富貴已極。不圖歡樂待何時。今

日風景晴和。暮春天氣。不免帶着諸女侍。領着衆將官。前

往都城內外。水郭山村。茂苑東西。尋花問柳。歌舞的歌舞。

打圍的打圍。歡樂一回。多少是好。正是壓地旌旂開曉日。

衆揭天歌管醉春風。淨前面是那裏了。副是錦帆。涇。百花

洲了。淨既如此。傳下號令。暫住鞍馬。同上蘭舟。就往錦帆

涇百花洲去。副傳介衆唱

正宮 醉太平 長刀大弓。坐擁江東。車如流水馬如龍。看

北曲 江山在望中。一團簫管香風送。千羣旌旆祥雲捧。蘇臺高

處錦重重。管今宵宿上宮。衆打扶手淨上船吹打介同唱

正宮 普天樂 錦帆開。牙檣動。百花洲。清波湧。蘭舟渡萬

過曲 紫千紅。鬧花枝浪蝶狂蜂。合看前遮後擁。歡情似酒濃。拾

翠尋芳。來往游遍春風。淨白 撒宴過來 定席介宮女唱

正宮 朝天子 往江干水鄉。過花溪柳塘。看齊齊彩鷁波

北曲 心放。蓼蓼疊鼓。起鴛鴦一雙。戲清波浮輕浪。青山兒幾行。

綠波兒千狀。渺茫。越東風蘭橈畫漿。採蓮歌齊聲唱。淨白

太宰。前面是那裏了。衆是闕雞陂。走狗塘了。淨傳下號令

暫往蘭舟。再上鞍馬。就往闕雞陂。走狗塘去。同唱

正宮 普天樂 闕雞陂。弓刀聳。走狗塘。軍聲闕。輕裘掛花

過曲 帽蒙茸。耀金鞭。玉勒青驄。合前看前遮後擁。歡情似酒濃。

拾翠尋芳。來往游遍春風。

正宮 朝天子 馬隊兒整整排。步卒兒緊緊挨。把旌竿列

北曲 在西郊外。紅羅繡傘。望君王早來。滾龍袍黃金帶。淨白衆

將官。起此曠野之所。太子與太宰。領着衆將官。打圍一番

衆應下淨止高處內拍手介淨 妙嘆 唱 看幾千人打歪。數

千聲喝保。擺開。鬧轟轟翻江攬海。翻江攬海。犬兒疾鷹兒

快。犬兒疾鷹兒快。衆上圍虎射下小旦白。啟上父王打得

飛禽走獸在此。淨將來犒賞衆軍。把虎撞往營中去。衆應

介淨前面是那裏。副問介前面是姑蘇臺。淨傳下號令就

往姑蘇臺去。唱

正宮普天樂。姑蘇臺。浮雲拱。浣花池。清泉瑩。湖光灑雪

浪翻空。見汪洋出沒魚龍。合前看前遮後擁。歡情似酒濃。

拾翠尋芳。來往游遍春風。衆白已到姑蘇臺了。請大王登

臺。淨太宰吩咐衆將臺下伺候。副吩咐衆下淨好個太湖

副團團三萬六千頃。重重七十二高峯。淨好大觀也。副其

實好大觀也。淨太宰這一座是什麼山。副是洞庭山。淨那

一座。副也是洞庭山。淨怎麼有兩座洞庭。副東西兩山。淨

這一座什麼山。副是陽山。淨那一座呢。副是穹窿山。淨那

穹窿山又高似陽山。副主公陽山萬丈高。不比穹窿半截

腰。淨這一座山下這一搭兒是什麼去處。副這就是養馬

的石室。淨石室中間坐着的是甚麼人。副就是越王勾踐

淨右邊端端正正坐着的什麼人。副就是勾踐的夫人。淨

左邊恭恭敬敬站着的是甚麼人。副這個就是大夫范蠡

淨彼勾踐不過一小國之君。夫人不過一裙釵之女。范蠡

不過一草芥之士。當此流離困苦之際。不失君臣夫婦之

儀。殊為可憐。殊為可敬。今拘留在此。已經三年。寡人意欲

儀。殊為可憐。殊為可敬。今拘留在此。已經三年。寡人意欲

赦之。小旦父王勾踐乃敵國之臣。今被父王擒縛。此乃天賜于吳。豈可縱虎歸山之理。不宜輕赦。副主公以聖王之心。哀憐困窮之士。愿主公千歲千歲千歲。淨寡人昔日破楚。今又伏越。我好快哉樂哉也。唱

正宮朝天子。遍江南獨我尊。氣凌空將湖海吞。看威行

四海聲名振。衆合英豪勇猛。說甚麼楚秦。半乾坤皆投順。

你蕭蕭一身。些些兒海郡。小小君。小小君。美君臣夫

妻恭謹。夫妻恭謹。待放他歸全恩信。待放他歸全恩信。淨

白如今天色已晚。不歸都城。就往臺上安歇。你二人同衆

將校各歸帳房。明日回營。副小旦應介正是笙歌歸院落。

燈火下樓臺。下宮女扶淨介淨扶我到洞房深處。銷金帳

裏。美酒羊羔。淺斟低唱。歡聚一回。多少是好。淨宮女同唱

正宮普天樂。貫魚似宮人寵。繡幃裏效鸞和鳳。拚沉醉

過曲。拚沉醉。依翠偎紅。任年華暮鼓晨鐘。合前呀。看前遮後擁。

歡情似酒濃。拾翠尋芳。來往來往游遍春風。下

第十五出

越嘆

生扮越王老旦扮越國夫人小

越調浪淘沙 徹夜雨潺潺。心事闌珊。老旦薄衾不奈五

更寒。夢裏不知身是客。一餉貪懽。小生何處是鄉關。滿目

雲山。合來時容易去時難。受盡千辛并萬苦。地獄人間。老

旦白大王萬福。生夫人免禮。小生主公夫人恭謁。生大夫

少禮。大夫昨日太宰差人來說。吳王前日大宴蘇臺。遙望

石室。知我君臣夫婦之禮。頗有見憐寬宥之情。且聞他患

病旬日。不知吉凶。望大夫卜之。小生臣已卜之。吳王之病。

應在己巳日當愈。交壬申月全好。待臣密傳與太宰。只說

主公要往問疾。倘許相見。當求其藥而嘗之。即時稱賀。尅

定其病起之期益增其見憐之意則主公之東歸定有日矣。生大夫之謀甚善但臭惡難當卑污可耻如之奈何。小生

主公若如此終無東歸之日矣。生雙調愛罷罷罷作悲介唱

過曲鎖南枝 遭身困值命艱家亡國破社稷殘一婦受

饑寒孤臣罹災患鄉關路山外山怕擡頭羞見北來雁。老

旦 前腔 春山袖血淚斑風沙滿面捲翠鬢。白我想起來就

是百姓人家一個婦女尚得主蘋蘩足衣食我也是一國

夫人到如此困苦唱貧女尚主蘋蘩我今沒處去討茶飯

思量起難上難且含羞做寒賤。生白

儀容消瘦轉傍徨寂寞他鄉歲月長

黃鳥翅垂同燕雀青松心上任風霜

生白 我與大夫明早就行。小生 主公此去須要謙恭謹飭

將機就機不可輕忽致生他變。生 謹領教誨。下

第十六出 問疾

淨扮吳王 雜扮四太監四宮女
引上唱

中呂過曲 剔銀燈 為遊讌到離宮別館。鎮朝昏獨紅裙作伴。

霎時間患病神魂亂。算將來有兩月之半。飯食不吃一碗。

幾時得胸膈暫寬。副扮伯嚭上

前腔 笑君王儀容衰老。沒來由將精神消耗。他連宵樓

着如花貌。糴的糴糴的要糴。如今看看瘦了。白 主公主公

唱 笑你雞皮鼓能經幾敲。白 昨日范大夫差人來說那越

王要求進見問疾。我欲待不允。奈又受他的厚禮。也罷不

免進去見。機而行便了。通報介 副主 公伯嚭恭見。夜來龍

體如何。淨 太宰了不得。一發沉重了。副 主 公放心。不日就

好了。主公那越王聞得主公有恙，欲求進見問安，不知主

公可允否？淨他倒有憐我之心。副正是。淨就喚他來。雜應

下。淨太宰夜來去後，甚是枯澁，想是血少多半要死。副主

公死是死不成，只怕養不大。淨這時節，你還要取笑，你且

看我昨夜的大便如何。副應介取大便來。雜取盆介副看

憎嫌介。淨你在外廂伺候，越王到時，即便進見。副應介生

扮越王。小生扮范蠡，雜引上。生白纜離石室，又到吳宮。副

見介。殿下伯嚭因怕是非，不曾親到石室中參見，望乞恕

罪。生豈敢。副殿下你凡事替在我身上，不要心慌，自

有道理。生勾踐受恩，誓當効結草啣環之報。副好說，虧我

千言萬語，在主公面前說了許多好話，方能許你面見，須

要小心。生我曉得。副少待待我進去通報，方好進見。報介

小生主公進去，須要見機而行，臣在官門外等候。下生進

見白。賤臣勾踐伏聞大王玉體不安，特來候問，願大王順

養天和，不日全愈。唱

前腔。聞說道君王困窮，我勾踐特來相問。淨白。你是疎

遠之臣，倒有如此敬心。我夜來去後，甚是枯澁，想是血少

多半要死。生臣喜聞草木之書，頗解軒岐之術，凡人之冀

須順穀味，然逆時氣者死，順時氣者生。臣請大王之糞嘗

之，以辨吉凶。淨賊巴巴的使不得。生何妨。太宰快取來。副

取盆譚介生嘗介臣適嘗大王之糞其味苦而且酸正應

春夏之氣以臣度之在己巳日當愈交壬申月全好唱進

宮來正遇中宵糞適親嘗已探佳信微臣敢忘大恩看不

一月當除病根淨白好人好人常聞至親莫如父子至愛

莫如夫妻我病三月身體龍鍾我家的太子一日或者來

看我一次我家的夫人兩日或者看我一遭就走去子不

要說糞湯藥也不見他來適我一盞你如今是個踈遠之

臣三年養馬受了許多苦惱一些也不怨我倒如此孝順

要我那兒子老婆做什麼生吮疽含血乃臣子當為之事

願大王放心即當勿藥淨太宰倘若我到己巳日壬申月

果然全好則越王嘗糞之恩不可忘也即當備酒相謝送

歸故鄉決不失信生拜介願大王爺千歲唱

中呂 過曲 駐馬聽 海畔窮囚何幸今朝到上國游伏願前言

莫計後悔難追往事休讐聽微臣將病症說緣由看吾王

玉體還依舊樂矣忘憂從今永遠似南山壽副白越王你

也知道麼我主公待你可唱

前腔 禮意綢繆須要分明恩與讐看你儀容忠厚度量

寬宏性格溫柔三年光景易淹留我萬千遭恩德也難消

受若歸去登樓姑蘇臺望須頻回首淨

前腔 誰肯嘗洩許我沉疴不日瘳憐你依林越鳥走險

韓盧。喘月吳牛。白我若放你回去時節呵。唱你年常貢獻

莫夷猶。我病中言語非虛謬。白待我病好起身時節呵。唱

贈汝吳鉤。蛇門之外更有三杯酒。淨副旦小旦下小生上

唱

前腔。荏苒三秋。不覺年華似水流。在此緊中尋覓。閒處

垂鈎。暗裏藏閻。遇生介白。主公事體如何了。生寡人進見

一如大夫之言。吳王不勝歡喜。許病痊之日。放歸故鄉。小

生多謝天地。主公。唱你天時將到。莫悲愁。機關做定。休洩

漏。伏櫪驂騮。康莊有日。終馳驟。白主公不可遲延。忙歸石

室。旬日之間。必有佳音也。

三年家國兩茫然。南望孤雲更可憐。

畢竟行藏定誰是。只將身命付蒼天。

第十七出 效顰

丑扮東施做大肚上唱

高平 普賢歌 奴家還是個女裙釵。長被姦情弄出來。清

過曲 明受得胎。端陽便養孩。未到中秋身子又大。白 奴家姓施。

住在苧蘿東村。因此喚作東施。我家祖居在此。只因人丁

衆多。分下一支往西村去。西村叔叔養個女兒。他便喚作

西施。生得十分標致。也未曾嫁人。不知近日爲甚麼生出

一場心疼的病。前日着間壁王媽媽寄個信來。教我往北

村轉請北威姐姐。着那北威姐姐。住苧蘿北村。因此喚

做北威。當初也分下一支往南村去。有個姐姐喚作南威。

也生得十分標致。被晉文公娶他做正宮夫人去了。如今

止存得北威姐姐。只因患了背駝，尚無人娶，遂去學了女科。今日特去請他，到西村去，看西施妹子，迤邐行來，早到北威姐門首。北威姐在家麼？
淨扮北威做駝子背藥包上
唱

前腔 奴家身子生得駝。近日行醫學女科。男人也來拖。

近錢又不多。看來不是個道地貨。
丑白貨便不道地。到有

人請你開門開門。
淨是那個。
丑是我。
淨呀，原來是東施妹

子。
丑北威姐萬福。
淨東施妹萬福。妹子你許久不見，一發

長成得好了。
丑姐姐彼此彼此。
淨妹子今日甚麼好風吹

到我家裏來請坐。
丑姐姐不消坐了。我有事特來。
淨謂何。

丑姐姐，你還不曉得。近日西施妹患心疼，已及一月。前日

寄個信，着我轉請你看脈。
淨我到不曉得。既然如此，不敢

相留，就同去罷。
丑姐姐，你看山深日永，花落鳥啼，轉眼之

間，不覺一春又早過去也。
唱

仙呂不是路。轉眼殘春，挈畔匆匆去訪故人。
淨忙前進。

看幾家烟火隔松雲。
白妹子，西村去打那一條路近。
丑姐

姐，你忘了。過了石橋南去，轉西就是西村了。
唱 步殷勤。石

橋南去西村近。見花落鳥啼半掩門。
淨白閉門在此，想他

得病已久，一向蹤跡不到門前來，了可憐。
唱 真愁悶。蒼苔

不見弓鞋印。有誰相問。有誰相問。
內作天吠介小旦扮西

施捧心上唱

前腔。小犬在籬根。為甚不住的啾啾定有人。淨丑白裏

頭有人麼。小旦是那箇。淨丑是我。小旦唱前來着。呀却原

來是舊家姊妹訪孤貧。淨丑妹子聞你病纏身。我一春踈

濶無音信。你卧榻而今有幾旬。小旦姐姐承憐憫。白你不

要問我的病。唱着瘦龐兒不似前春俊。沒些風韻。淨到添

風韻。小旦白二位姐姐萬福。淨丑妹子萬福。丑妹子聞得

你卧病月餘。沒有人說。前日因你寄信與王媽媽。方纔曉

得。特去請北威姐。與你看脉。小旦速勞二位姐姐。淨妹子

我且問你。你的病症。怎麼起的。如今覺的怎麼。小旦姐姐

連我也不曉得。怎麼樣起。常時溪邊浣紗。身子困倦。昏昏

沉沉。自覺沉重。如今日夜心疼。飲食少進。丑妹子你敢遇

着標致人。被他哄動春心。日夜相思。做成這場症候。小旦

休得取笑。求北威姐。着那脉看一着。淨做着脉介。我的手

東施妹子的口。好笑到差不多。妹子你的病根。還是七情上

感出來的。你見那春光明媚。風景晴和。翩翩浪蝶。狂蜂陣

陣。遊絲飛絮。如今又夏來春去。花落鶯啼。千條愁緒。撒開

來。一點春心。拿不住。因此構成心病。不得痊安。你如今咳

嗽頭疼。面紅身熱。神思昏亂。魂夢不寧。是這等麼。小旦姐

姐正是。淨我說道哩。你如今第一到要排遣。第二方纔吃

藥你若會排遣，不消幾貼藥就好了。你若不肯排遣，只是這等啾啾唧唧，就吃一百丸藥，也是沒用的。丑若是這等說極容易，待我去東村頭、西村頭，尋個標致俊俏的妹夫，送將來，這病就好了。淨了頭家做媒人，自身也管不全。若有標致俊俏的，你自家用了，到肯送與別人。小旦休要取笑。丑前日王媽媽來說，西施近日因害心疼，捧着心兒皺着眉兒，模樣一發覺道好了，我不信他，方纔冷眼瞧他，只見滴溜溜的狡眼，青簇簇的蛾眉，滿眶秋水，逐人來，兩點春山，猶不就，並無病症，越有精神，畧不見一些七青八黃，反增出許多千姣百媚。不要說男子見了他歡喜，就是我

作女娘家見了他，滿身通麻木了，一些也動憚不得，可惜沒有碗好冷水，我就蘸他在肚子裏去。淨妹子，這却使不得，你若又點下這個人兒下去，你的肚子一發大了。丑捧心皺眉介。姐姐不好了，我也心疼起來了。淨你却怎的。丑姐姐，我對你說，數年前未分析之時，我妹子同在東村住，兩個從小兒一心一意，過得極好。我若歡喜他，也歡喜他。若煩惱，我也煩惱。他如今害心疼，我怎麼敢不心疼起來。姐姐沒奈何，也把貼藥與我吃。淨不瞞你說，我草澤醫人，包裹裏有得幾片飲片，幾丸丸散。西施妹子身體兒小，要丸散不過六、七、九，要煎藥不過煎七、八分。你如今這樣寬

綽的肚皮若吃丸散也得六七合煎藥也得一二鍋我這
樣草頭郎中奉不得這樣主顧丑姐姐不要取笑我對你
說西施妹因害心疼鼻子上皺起來有些跣踏覺道一發
嬌媚我如今鼻子上像是也有些跣踏不知我比着他的
如何淨你且聽我說東施妹子沒塌煞鼻子上也生着跣
踏你道像些甚麼來倒像常熟縣裏個大麻菩薩丑姐姐
休要取笑你再看西施妹子眉梁間有些塊壘覺道一發
俊俏我如今眉梁間像是也有些塊壘你看我比着他的
如何淨你的塊壘比他的更好丑怎見得淨你且聽我說
東施妹子好誇嘴眉梁間也有個塊壘你道像些甚麼來

倒像閻羅王殿前增塑的山鬼丑姐姐又來取笑了淨唱

仙呂皂角兒念姣娘還是閨中的女身為甚的煩成心

過曲病料應為蹉跎未婚急煎煎苦縈方寸唯願伊減葷腥舒
愁悶避風寒親藥餌仔細朝昏姻緣有分終諧晉秦莫淹
纏速宜調養佳期將近小旦

前腔感眉峯春山懶勻削腰圍羅裙寬褪恠容顏平消
幾分悵年華又驚一瞬誰憐我任秋來凭春去度朝雲捱
暮雨獨自溫存淚痕無盡傷心有因瘦伶仃香消玉減幾
時安頓淨白東施妹他身子不好我們不好在此鬧炒連
忙回去送藥來小旦二位姐姐再坐坐去淨丑不消了小

旦急慢了。淨丑妹子不消送，就請進去避寒耐性，不要使問肚皮。

日日春風花草香。伊家何事轉即當。病有鄰人說藥方。

第十八出 得赦

末扮大太監上白

天街昨夜雞鳴早，侵曉金門降赦文。已見九泉開白日，會

看六翮起青雲。自家吳國內監是也。昨領大王爺之命，允

一應軍民人等自登基之後，病痊之前，已發覺未發覺，已

結証未結証，所犯罪過，咸赦除之。令小臣傳示國中，正是

君臣已慶風雲會，草木均霑雨露恩。下淨扮吳王外扮伍

負副扮伯嚭衆隨上唱

黃鍾傳言玉女，卧病離宮。又見花開花謝，外丹心猶暖。

奈年光去也。副珠歌翠舞，肯辜負花朝月夜。合看新傳詔

旨。萬民咸赦。淨白寡人卧病三月，幸喜痊安，上賴天地祖

宗之護持。下使羣臣百姓之保佑。凡軍民人等所犯罪過。咸赦除之。外副願主公千歲。淨越王歸我三年勞苦倍常。

今若止赦一人。也是勾踐即日致酒殿中。陳北面之坐。送之還鄉。諸大夫皆當以客禮事之。不可怠慢。外主公差矣。勾踐內懷充惡之心。外具謙和之貌。猶虎狼拘于陷穽之內。而強露其馴擾之情。今不即誅殺。恩亦大過。反欲縱之。其食人必矣。淨寡人得病三月。相國並無一好言相慰。相國不忠也。畧無一好物相送。是相國之不仁也。為人臣子。不忠不仁。要他何用。越王棄其土地千里來歸。獻其貨財。身為奴婢。是其忠也。寡人有疾。親為嘗糞。畧無怨恨之意。

反多孝順之情。是其仁也。相國不知自反。欲誅害善良。可惡可惡。外臣聞虎狼意有所擊。先屈其身。勾踐因圖逞兇。佯為孝順。下飲主公之糞。實上食主公之心。老臣不敢愛

死。以負前王。一旦社稷丘墟。悔之無及。副老相國不知自

責。而但知責人。假如越王嘗糞之事。老相國你能効乎。淨

太宰之言有理。決不聽你。再勿多言。外長嘆介罷罷。我本

將心托明月。誰知明月照溝渠。下副伍負外徒剛狠。內欠

忠誠。自知羞愧。逃席出宮了。淨太宰。我也可惡。那老賊目

今齊魯不和。要遣一使。我今就着那老賊前去。省得在此

攪擾。太宰可傳下號令。速請越王并夫人。同范蠡大夫。軒

冕上殿副傳令介生扮越王老旦扮越王夫人小生扮范
蠡同上生唱

黃鐘 踈影 天恩遍徹。幸今朝降赦。得解羈紲。白賤臣勾

踐蒙大王曠蕩之恩。得與尊姐之末。不勝誠歡誠忭。誠惶

誠恐。淨寡人感吾子嘗糞之恩。日夜在念。今日是端陽佳

節。特具筵宴于前殿之中。更設祖帳于蛇門之外。送子歸

鄉。聊伸餞意。願他日毋相忘也。生生我者父母。育我者大

王。願大王千歲。千歲。千歲。淨願吾子同之。將酒過來。生

定席副送生酒介衆唱

黃鐘 畫眉序 高會玳筵列。殿閣風來散炎熱。問今朝此

酒爲何而設。你休忘却今日辭吳。須要記那年樓越。合送

君醕酌須沉醉。莫負太平佳節。生進酒介

前腔 微臣忍輕別。回首依依戀宮闕。念罪深惡重。煩蒙

分雪。今受恩波。若北海汪洋。願躋壽域。似南山高絕。合前

送君醕酌須沉醉。莫負太平佳節。衆

黃鐘 滴溜子 今日裏今日裏。把行裝打疊。從今去從今

去。旅懷頓撇。你雖是路途跋涉。莫忘教誨恩。將忠義竭。貢

獻年年休得。要暫缺。淨白太宰傳下號令。給越王鑿輿法

駕。鼓吹旌旛。寡人與百官具祖帳。俱送之蛇門之外。合唱

黃鐘 鮑老催 遍城關熱。笙歌簇擁歡聲徹。鑿車雜沓香

塵絕。看紅樓十里中珠簾揭。盡道越王意氣多歡悅。夫人
容貌還姣怯。范大夫真英烈。副臣啟主公此間已是蛇門
之外了。淨住了寡人送子榮歸故鄉。適間所言不可忘也。
生老旦小生俯伏介。賤臣勾踐若背義忘恩。天誅地殛。願
大王千歲千歲千歲千歲。淨去罷。生老旦小生下淨傳下號
全就回宮去。合唱

黃鍾雙聲子 旌旂列旌旂列。盡道是雲重疊。燈毬接燈

過曲毬接。錯認是星明滅。歸路折。歸路折。風景別。風景別。看千

門羅綺。九遠風月。淨

尾聲 氣吞宇宙真豪傑。副誰似我崔嵬功業。合便是再

出世的桓文也讓些。下

第十九出 放歸

末扮文種上白

龍門千丈水勢並關河。壯一日春風吹。終作萬重浪。悲介

堪憐主公離越。不覺三年。意謂今生再無歸理。誰料績靈

見日。枯木逢春。仗范大夫之奇謀。賴我國家之洪福。吳王

赦赦得還。故鄉實為天幸。聞將次渡江。即日率領諸大夫

迎接去。下生扮越王騎馬。老旦越王夫人坐車。小生扮范

蠡騎馬。雜扮四太監執鑾駕。引上生唱

引子 鵲橋仙 春雷地奮。愁雲風捲。寒暑人間流轉。年年

梁燕一回家。笑幾載不歸的勾踐。老旦江山不改。容顏全

變。試問愁眉深淺。小生一朝羈鶴。透籠飛還。又到蓬萊宮

殿生白極目青山數行淚孤身滄海一窮鱗老旦愁眉落

日獨飛鳥小生試問歸舟何處人生范大夫寡人擬于蒺

藜入于幽谷顏色憔悴志氣隳頽今日雖得還鄉有何面

目再見故鄉父老小生主公差矣你脫身虎窟已非几上

之內蛻骨龍潭豈是池中之物今吳庭雖遠家山尚遙速

宜前行恐有他變生老旦大夫言之有理唱

仙吕甘州歌八聲甘州稽山路遠嘆長亭縹緲芳草芊

芊天涯游子堪笑黑貂裘換英雄偃蹇非昔日風景依稀

似往年合排歌春歸去在客先每逢花發想家園江南地

海北天斷腸回首各風烟雜扮把總上白錢塘江把總謝

得勝迎接主公夫人小生啟主公錢塘江把總謝得勝迎

接主公夫人生喚過來小生上前相見雜臣把總謝得勝

迎接主公夫人生向來地方太平雜賴大王洪福一向

平安生我歸國時當賞汝職雜謝大王把總這裏準備龍

舟請大王夫人登舟過江生如此請夫人登舟水手上內

作吹打上船把總下生老旦小生唱

前腔 錢塘雲水連見片帆東渡順流如箭江山依舊只

有那世故推遷小生白主公夫人臣聞安不忘危治不忘

亂今日未過江之時臣有一言奉啟生請教小生歸國之

後主公夫人勿圖歡樂要報大讐三年執役之羞不可忘

也唱酸辛須記嘗糞耻。勞苦休忘養馬年。浮苦海。涉大川。
千重浪裏得回船。身雖辱。志要堅。虎頭燕領豈徒然。末扮
文種副扮泄庸丑扮計倪領衆上跪接介白臣文種泄庸

計倪率領本國文武羣臣準備鑿輿法駕迎接主公夫人。
愿主公夫人千歲千歲千歲。生諸大夫請起。衆千歲。太監叩

頭介生諸位大夫吾已絕望未辭萬民豈圖今日復返鄉
國是皆賴羣臣百姓之護持也。末丑副此皆主公夫人之

洪福更出大夫范蠡之謀猷願主公夫人千歲千歲范大
夫同之。生諸大夫同之。吩咐擺駕。衆應同唱

前腔人民幸保全奈國家大事未能諳練鞠躬竭力惟

恐有負拳拳追思往事昔有命忽漫相逢各問年鴻偏遠
信不傳中間消息兩茫然笙歌擁旌旆懸百官今日去朝
天。

尾聲向金門朝玉殿闔城黎庶盡喧闐願聖主從今億
萬年。下

第二十出 論使

外扮伍員上唱

黃鍾西地錦 自笑年華遲暮。國家多事何如。雲山縹緲

空凝佇。甚年修築吾廬。白日夜驅馳在畏途。一心只是要

匡吳。生身定做奇男子。死後羞稱小丈夫。自家伍員。幸蒙

前王之大恩。得報父兄之深怨。孝道畧盡。忠誠未孚。思欲

報寸草之心。申傾葵遠之意。誰料主公信任伯嚭。容臬獍

之在庭。釋放越王。使虎兕之出柙。又恠老臣屢諫。竟遣使

齊。我今不忍見國將亡。算來只欠一死。誠恐我死之後。繼

祀滅絕。得罪祖宗。宮殿荆榛。有負社稷。今乘出使。寄子齊

邦。作悲介。但恐國家無人。蕭牆變起。如何是好。幸喜共國

太子仁孝素聞。昨知老臣使齊。差人相召。不免去走一遭。
迤運行來。此間已是太子門首。在此少待。想太子陞帳也。
小旦扮太子領衆上唱

前腔 讒巧昏迷君父。堪怜子孽臣孤。丹心未展當披露。

忍看社稷丘墟。白姑蘇城頭頭白鳥。夜飛金闕門上呼一

朝麋鹿游臺沼。誰念龍孫與鳳雛。自家吳國太子友是也。

我父王聽信奸佞。斥退忠良。只有一個伍相國。又遣使齊。

朝廷一發沒有人了。早間着人去請他商議。怎廝這時候

還不見到來。衆報介伍相國進見。外小殿下。伍員恭謁。小

旦相國少禮。老相國請坐。外告坐了。呼喚老臣有何吩咐。

小旦當今奸佞盈朝。豺狼當道。國家大事。只賴老相國一

人。今父王聽信奸臣。着老相國遠使齊地。國勢漸亂。大厦

將傾。特屈高車。專求教誨。外臣聞至嚴莫如君臣。至親莫

若父子。老臣于主公。固有君臣之義。殿下于父王。實多父

子之情。須當犯顏。豈宜坐視。小旦敢問老相國。昔晉獻公

有子三人。長曰申生。次曰重耳。次曰夷吾。獻公聽驪姬之

譖。申生自殺。重耳奔翟國。夷吾守屈城。今父王聽信伯嚭

內難。將作為今之計。我將為申生之殺身乎。將為重耳之

出奔乎。將為夷吾之自守乎。外臣聞獻公三子。皆有賢行

故。可以奔。可以守。今吳國只有小殿下一人。若俱學重耳

夷吾所為。則太子一去。國本動搖。小殿下。你就學申生。又
何難也。小旦多承老丞相教誨。唱

黃鐘 咏木兒 忠良去。國內虛。寂寞朝端誰共語。報親恩
過曲

須學申生。忍追隨重耳夷吾。向金塔披瀝。把東腸訴人生
有幾個君和父。肯學那碌碌貪生怕死徒。外白老臣請問

小殿下。昔殷紂有臣三人。一日微子。一日箕子。一日比干。
殷紂聽崇侯之譖。微子去之。箕子為之奴。比干諫而死。今

主公聽信伯嚭。國家將亡。為今之計。老臣將學微子之去。
國乎。將學箕子之佯狂乎。將學比干之諫死乎。小旦我聞

殷紂三臣。皆有聖德。故可以去。可以為奴。今吳國只有老
相國一人。若俱學微子箕子之所為。則賢人隱遁。家國空

虛。老相國。你就學比干。又何難也。外多承小殿下指教。唱

前腔 豺狼橫。滿路途。奈宴笑盈堂。我獨向隅。微子去箕
子為奴。較比干諫死何如。看青山有路難歸去。微臣定把

身相許。肯愛那衰殘血肉軀。小旦白老相國。你早去早回。
日夜懸懸。不可遲滯。外小殿下。老臣此去。即便圖歸。豈敢

逗遛。就此拜別。拜介小旦唱
黃鐘 三段子 雲山路紆。莫遷延羈留在齊。朝廷勢孤。望
過曲

驅馳疾忙返吳。外我一身去國常回顧。若使齊事了。便歸
鄉土。只怕大厦將傾。一木怎扶。小旦

黃鍾歸朝歡

伯嚭你冤家的冤家的。擾亂國都。擅生殺

過曲。毒如狼虎。從今去。從今去。有封諫書。料忠臣誓不與邪臣

共居。外使齊一歸。定將奸雄去。再提兵滅越。如鞭楚。那時

節始信人間伍子胥。白

報國丹心一鑑清

終天恣氣幾年平

只慚世上無忠孝

不論人間有死生

第二十一出 宴臣

生扮越王 老旦扮越王夫人 雜扮太監 隨上 生唱

雙調 寶鼎現 三年離故苑。身命雖寒。江山猶在。老旦 增

引子 未舉傷鴻常憚。子不開驚猿還駭。老旦白 大王。生 夫人少

禮。長相思 出江關。入江關。三載歸來鬢欲斑。雄心夜未闌。

老旦 一重山。兩重山。莫忘當初行路難。青萍拭淚看。生夫

人寡人新歸故國。尚未臨朝。更有計議。專等諸大夫到來。

小生扮范蠡 末扮文種 上 小生唱

雙調 賀聖朝 羈臣千里歸來。末 誰知再立臺階。副扮泄

引子 庸丑扮計倪 上 股肱怠惰笑非才。羞稱庶事康哉。相見介

生白 夫人并諸位大夫在此。寡人因吳之日。夫人則躬身

執作范大夫則艱險周旋文大夫則勤勞邦國向非諸人
保佑則寡人數作溝渠之鬼越國以為麋鹿之場矣今敬
陳小宴聊申謝私幸諸大夫辱而臨之小生末小臣豈敢
但有一言奉稟昔曰之越非主公之越乃夫差之越也夫
差棄而不用今日之吳非夫差之吳乃主公之吳也主公
豈宜坐而忘之為今之計當蚤夜勞心以圖雪耻臣等幸
甚生謹頌教誨肴酒過來送老旦小生末副丑酒介衆跪

受介生衆唱
仙呂 錦堂月 臺殿風微山河氣轉欣逢運開時表諸位
過曲 大夫 深荷驅馳長風頓掃陰霾受羈囚既歷艱難誓雪耻

肯坐觀成敗合愁城解須待變乘機速圖休懈小生末副
丑唱

前腔 庸才自媿駑駘親承顧托未曾報答涓埃向小生

深荷持顛豺虎窟中脫械向生須猛省君繫臣囚休便認
民安國泰合前愁城解須待變乘機速圖休懈生白范大

夫寡人就卜今日坐明堂臨國政何如小生今日丙午復
位臨朝金水循環旺相俱起極好生吩咐起樂夫人請回
老旦下走介設坐介衆拜賀介生 范大夫寡人欲重立國

都擇一善地以擴封疆何如小生臣仰觀天象擬法紫宮
內築小城周千餘步西北立龍鳳樓以象天門東南伏漏

石竇以象地戶外築大城缺其北面以見臣事于其實有事于其也生多承指教寡人自今以往勞筋焦心旦夕不懈目卧則薰之以薰足冷則浸之以水冬寒則抱冰而坐夏熱則握火而居積薪于室晝夜卧于其上懸膽于戶出入嘗之于口令人立于宮門經過之時必揚言曰勾踐汝忘會稽之耻乎汝忘養馬之苦乎汝忘嘗糞之羞乎心心念念要復大讐大夫以為何如小生末若得如此則萬民

幸甚社稷幸甚生唱

仙吕醉翁子無奈這深耻總車兒難載誓苦志勞心莫過曲貪歡愛衆須待會霧散雲飛海日瞳瞳萬里開合看奏凱

遍萬歲山呼月殿雲塔末白臣啟主公臣聞五色令人目眩故妙舞清歌害人之媒蛾眉皓齒伐性之斧為今之計

須選美女進上吳王一則見我服役之情二則動彼荒淫

之志奸邪建用忠信見疑在彼則國當日微在我則坐可

觀變以臣言之此為上策生大夫之策甚善但恐佳人難

得如何是好小生有一處女獨居山中艷色絕倫舉世罕

見已曾許臣尚未娶之今若欲用即當進上生雖未成配

已作卿妻恐無此理小生臣聞為天下者而不顧其家况

一未娶之女主公不必多慮末主公一面差人尋訪每一

色精選十人倘有絕色即當留用如求而不得就用范天

夫所聘之女未為不可生這也使得生衆唱

仙呂 僥僥令 須尋傾國色。送上陷人胎。看取晝夜荒淫。

過曲 渾無賴。奸佞進忠良。應受災。小生末副丑衆唱

尾聲 威加四遠聲名大。遍海宇恩波無外。那時節方信

江東有梁棟材。下

